

## **CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E ABANCA CORPORACIÓN BANCARIA, S.A. PARA A APLICACIÓN DAS TARXETAS DA MOBILIDADE DE GALICIA (TMG e TMG XENTE NOVA)**

### **REUNIDOS:**

Dña. Judit Fontenla Baró, directora xeral de Mobilidade da Consellería de Presidencia, Xustiza e Deporte, en nome e representación da dita consellería por delegación de sinatura do conselleiro, feita por Orde do 12 de xuño de 2024.

D. Jorge Martínez Martínez, e D. José Lino Comesaña Calvo, en nome e representación da entidade ABANCA CORPORACIÓN BANCARIA, S.A. (no sucesivo, ABANCA), en virtude do establecido nas copias das escrituras de solemnización de acordos e apoderamento, outorgadas ante os notarios Francisco Manuel Ordoñez Armán e José Piñeiro Prieto, respectivamente.

As partes recoñécense competencia no concepto no que respectivamente interveñen e con capacidade legal para formalizar o presente convenio de colaboración, e para ese efecto

### **EXPOÑEN:**

O transporte público colectivo de persoas non só se configura como servizo público de carácter esencial para a poboación, senón que tamén contribúe á redución da contaminación e da conxestión das nosas cidades e, por tanto, ao incremento da calidade de vida do conxunto da poboación.

Coa finalidade de contribuír ao impulso do sistema de transporte público colectivo, un dos eixes de actuación prioritarios é o abaratamento do custo por viaxe ás persoas usuarias e o establecemento de sistemas de información e pagamento que contribúan á promoción da súa utilización recorrente, para o que a Xunta de Galicia, xunto inicialmente cos concellos participantes no Plan de transporte metropolitano de Galicia, impulsou o desenvolvemento e implantación dunha tarxeta moedeiro sen contactos para a súa utilización no sistema de transporte público, a TMG.

Para o impulso desta actuación, a entón Consellería de Política Territorial, Obras Públicas e Transportes e a entidade, tamén entón, Caixa Galicia, formalizaron o 10 de abril de 2008 un convenio de colaboración para a mellora do sistema de pagamentos do transporte metropolitano de Galicia. No marco deste convenio de colaboración, as partes implantaron a tarxeta moedeiro sen contactos TMG, que veu substituír ás tarxetas con contactos que foran emitidas previamente nun marco de colaboración análogo impulsado entre ambas partes.





E con este mesmo obxectivo de impulsar a utilización do transporte público, de xeito singular entre a mocidade, a Xunta de Galicia procedeu á implantación da tarifa Xente Nova, e da Tarxeta TMG Xente Nova como instrumento para a súa xestión, para o que o 3 de agosto de 2016, a entón Consellería de Infraestruturas e Vivenda e ABANCA subscribiron un convenio de colaboración que tiña por obxecto establecer as bases de colaboración para a aplicación de bonificacións ás persoas con idades comprendidas entre os 4 anos e os 18 anos de idade, inclusive, no eido do Plan de Transporte Metropolitano de Galicia.

Con posterioridade, a Orde do 18 de decembro de 2019 pola que se regula a tarifa específica Xente Nova no transporte público interurbano da competencia da Xunta de Galicia, da Consellería de Infraestruturas e Mobilidade, publicada no DOG nº 248, do 31 de decembro de 2019, ampliou o ámbito de idade das persoas beneficiarias ata os 20 anos incluídos e, ademais, preveu a expansión territorial da tarifa Xente Nova mediante unha planificación programada das sucesivas ampliacións do seu ámbito territorial de aplicación ata abranger a totalidade da Comunidade Autónoma, procedemento que, superadas os principais efectos do COVID-19, culminaría no mes de maio de 2021. Ademais, esta ampliación territorial do ámbito de aplicación resultaba, por outra parte, coherente coa ampliación igualmente a todos os servizos públicos de transporte de Galicia da posibilidade de utilización da tarxeta TMG.

Co mesmo obxectivo de impulsar a utilización do transporte público, neste caso entre as persoas maiores de 65 anos, a entón Consellería de Infraestruturas e Mobilidade aprobou a Orde do 13 de decembro de 2023 pola que se regula a tarifa específica +65 nos servizos públicos de transporte interurbano de uso xeral da competencia da Xunta de Galicia, publicada no DOG nº 242, do 22 de decembro de 2023. Esta nova tarifa, que permite realizar ata 60 viaxes mensuais gratuítas nos servizos públicos de transporte competencia da Xunta de Galicia, establece para a súa utilización a necesidade de dispoñer dunha tarxeta TMG, ao ser este o instrumento empregado para a súa aplicación material, motivo polo que cabe apreciar unha maior demanda de expedición desta tipoloxía de tarxetas.

A expansión do ámbito de aplicación da tarifa Xente Nova ao conxunto da Comunidade Autónoma e a previsión por parte da Xunta de Galicia do establecemento da Área de Transporte de Galicia, logo da implantación dos novos contratos de concesión de servizos públicos de transporte previstos no Plan de Transporte Público de Galicia, e sen prexuízo dos proxectos tecnolóxicos que a Consellería de Presidencia, Xustiza e Deportes está a impulsar xunto coa AMTEGA, leva a que, ata a implantación dos ditos proxectos, resulte necesario garantir a continuidade das accións de



promoción do transporte público colectivo vinculadas á utilización das tarxetas TMG e TMG Xente Nova. Deste modo, o principal obxectivo que se persegue coa sinatura deste novo Convenio é facilitar a dispoñibilidade de tarxetas TMG e TMG Xente Nova para a súa comercialización a prezos bonificados.

Deste xeito, o presente convenio persegue dar continuidade ao mantemento do actual sistema de pagamentos que xa fora obxecto de convenios de colaboración anteriores entre as mesmas partes e garantir a subministración ás persoas usuarias das tarxetas TMG e TMG Xente Nova a prezos bonificados.

A Comunidade Autónoma de Galicia é competente en materia de transportes terrestres que se desenvolvan integramente dentro do seu territorio, de acordo co establecido no artigo 148.5 da Constitución Española e do artigo 27.8 do Estatuto de Autonomía de Galicia. O Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, modificado polo Decreto 73/2025, do 4 de agosto, órgano da administración autonómica ao que corresponden as competencias e funcións en materia de transportes, determina que a Dirección Xeral de Mobilidade terá, entre outras, as funcións relativas á implantación de plans de fomento do transporte público. O artigo 82.4 da Lei 2/2017, do 8 de febreiro, de medidas fiscais, administrativas e de ordenación prevé a posibilidade de que poida establecerse e xestionarse no marco do sistema de transporte público bonificacións adicionais promovidas pola propia administración titular do servizo na prestación do servizo ao colectivo ao que dirixan a súa actuación.

ABANCA é unha entidade xurdida en setembro de 2011 (inicialmente co nome de NCG Banco, S.A.) como froito da segregación do negocio bancario de Novacaixagalicia, entidade que á súa vez nacera en decembro de 2010 da fusión entre Caixanova e Caixa Galicia. Deste xeito, ABANCA configúrase como a sucesora da actividade desta última, e subrógase na posición dela nas relacións xurídicas que establecece.

Trátase da única entidade bancaria que manifestou o seu interese por adaptarse ás condicións esixidas para o funcionamento da TMG e TMG Xente Nova, se ben a posibilidade de participación por parte doutras entidades bancarias que o desexen segue aberta.

## **ACORDAN**

Asinar este documento, e obrigarse reciprocamente ao seu cumprimento, de conformidade coas seguintes,

## **CLÁUSULAS**





### **Primeira.- Obxecto e ámbito de aplicación**

O presente acordo ten por obxecto facilitar a dispoñibilidade de tarxetas TMG e TMG Xente Nova para a súa comercialización a prezos bonificados.

### **Segunda.- Dotación de Tarxetas da Mobilidade de Galicia (TMG) e TMG Xente Nova (TMGXN)**

1.- Mediante a formalización do presente convenio de colaboración, a entidade ABANCA comprométese a incorporar ao conxunto de tarxetas TMG e TMGXN que son obxecto de bonificación a través de convenios de colaboración concertados entre as partes con anterioridade, un mínimo de 205.000 tarxetas TMG e 79.689 tarxetas TMGXN, para a súa distribución aos prezos bonificados que se indican no parágrafo seguinte.

Agás acordo noutro sentido por parte da Comisión de Seguimento do presente convenio logo da tramitación contable que, se fose o caso, resultase precisa, as ditas tarxetas serán subministradas ás persoas usuarias ao prezo bonificado, de 2 euros a TMG, e de xeito gratuito a TMG Xente Nova.

As partes acordan que, para os efectos da aplicación da compensación que se prevé neste apartado, considérase un prezo máximo de adquisición 3,678€ por TMG e 3,654€ por TMGXN, asumindo a Consellería de Presidencia, Xustiza e Deportes a obriga de abonar a ABANCA a diferenza entre o custo final de adquisición que tivesen as correspondentes tarxetas, que soportase ABANCA, e o prezo de subministración establecido, **cun importe máximo**, en todo caso, de **606.684,08 €**.

2.- As contías asumidas pola Consellería de Presidencia, Xustiza e Deportes aboaranse no exercicio 2025 con cargo á aplicación orzamentaria 2025.05.08.512A.470.1, para o que ABANCA deberá certificar e xustificar contablemente a dispoñibilidade das referidas tarxetas para a súa expedición ás persoas usuarias, así como o prezo finalmente aboadado por elas. O importe que se abonará pola Dirección Xeral de Mobilidade, logo da presentación da anterior xustificación por parte de ABANCA, será o resultante de aplicar ao prezo de adquisición, co límite do prezo máximo antes indicado, o prezo bonificado de distribución que corresponda a cada tipo de tarxeta.

Para tales efectos, a xustificación da correspondente dispoñibilidade e prezo de adquisición a realizar por ABANCA deberá ter entrada na Dirección Xeral de Mobilidade non máis tarde do 23 de decembro de 2025, renunciando ABANCA a calquera compensación derivada da súa adquisición e posta a disposición para a súa comercialización nos referidos importes bonificados no caso de non aportar a dita xustificación no referido prazo.

### **Terceira.- Crédito e aplicación orzamentaria**



As obrigas económicas establecidas con base neste Convenio acadan o importe de **606.684,08 €** que serán financiadas con cargo á aplicación orzamentaria 05.08.512A.470.1 da Xunta de Galicia no exercicio 2025.

#### **Cuarta.- Deber de confidencialidade**

Cada unha das partes comprométese a cumprir, no ámbito de execución do presente Convenio, coas obrigas e deberes que respectivamente lles correspondan, de conformidade co disposto no Regulamento (UE) 2016/679 do Parlamento Europeo e do Consello do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos (en diante, "RXPD"), así coma na Lei Orgánica 3/2018, do 5 de decembro, de protección de datos persoais e garantía dos dereitos dixitais (en diante, "LOPDXDD") e en calquera normas aplicables ou que no futuro poidan promulgarse en desenvolvemento da anterior. Resultarán de aplicación ao conxunto de actuacións que se deban realizar en canto á xestión das tarxetas TMG e TMG Xente Nova que se bonifiquen consonte co indicado neste convenio, as previsións establecidas en materia de confidencialidade e protección de datos persoais nos convenios formalizados previamente entre ambas partes mediante os que se establecen criterios para a súa distribución e xestión das correspondentes bonificacións tarifarias, especificamente, os do 8 de novembro de 2022, o do 14 de decembro de 2023 e o do 20 de decembro de 2024.

#### **Quinta.- Comisión de Seguimento**

Establécese unha comisión mixta de seguimento deste convenio, á que serán sometidas as cuestións que expresamente se prevén no mesmo así como aquelas outras que deriven do desenvolvemento deste acordo aínda que non estean expresamente recollidas nel, así como aquelas que impliquen desconformidade por algunha das partes asinantes.

Esta comisión está composta por:

- Pola Consellería de Presidencia, Xustiza e Deportes, a directora xeral de Mobilidade ou a persoa en quen delegue, que a preside.
- Por ABANCA, o Director de Medios de Pago, ou persoa en quen delegue.
- Actuará como secretario ou secretaria unha ou un funcionario da Dirección Xeral de Mobilidade.

#### **Sexta.- Natureza xurídica e normativa aplicable**





Este convenio atópase incluído dentro dos previstos no artigo 6.2 da Lei 9/2017, de 8 de novembro de 2017, de contratos do sector público, polo que queda fóra do ámbito de aplicación desta lei. Non obstante, aplicaranse os principios desta norma para resolver as dúbidas ou lagoas que puidesen presentarse.

Este convenio rexerese polas súas cláusulas e pola Lei 40/2015, do 1 de outubro, de réxime xurídico do sector público, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno da Xunta de Galicia.

### **Sétima.- Transparencia e publicidade**

Este convenio será obxecto de publicación nos termos do artigo 15 da Lei 1/2016, do 18 de xaneiro, de transparencia e bo goberno e demais normativa aplicable, e as partes manifestan o seu consentimento para que os datos persoais que consten no convenio, e mailo resto das especificacións contidas neste, poidan ser publicadas no Portal de Transparencia e Goberno Aberto.

### **Oitava.- Entrada en vigor e vixencia**

O presente convenio entrará en vigor o mesmo día da súa sinatura, e manterá a súa vixencia ata o 31 de decembro de 2025.

Sen prexuízo do anterior, respecto da distribución de tarxetas TMG e TMG Xente Nova serán de aplicación as previsións contidas nos convenios previamente formalizados entre as partes, especificamente o do 8 de novembro de 2022 e o do 14 de decembro de 2023 e do 20 de decembro de 2024.

E para que conste, e en proba de conformidade, os comparecentes asinan o presente convenio no lugar e data indicados no encabezamento.

Pola Consellería de Presidencia,  
Xustiza e Deportes

(P.D. Orde do 12.06.2024)

A directora xeral de Mobilidade  
Judith Fontela Baró

Por ABANCA CORPORACIÓN  
BANCARIA, S.A

Jorge Martínez Martínez  
José Lino Comesaña Calvo

*(documento asinado dixitalmente)*





Anexo I. Relación de oficinas de ABANCA nas que se efectuará a emisión das tarxetas, sen cita previa.

Table with 4 columns: Provincia, Oficina, Dirección, Localidade. Lists various ABANCA branches across Galicia with their addresses and corresponding localities.

A CORUÑA





Provincia	Oficina	Dirección	Localidade
LUGO	0106-BECERREA	CL. CARLOS III, 2	27640 BECERREA
	0109-BURELA	AV. ARCADIO PARDIÑAS, 62	27880 BURELA
	0111-CASTRO RIBEIRAS LEA	CL. GARCIA ABAD, 6	27260 CASTRO RIBEIRAS LEA
	0112-CASTROVERDE	CL. ROSALIA DE CASTRO, 59	27120 CASTROVERDE
	0114-CHANTADA	AV. MONFORTE, 12	27500 CHANTADA
	0118-A FONSAGRADA	AV. GALICIA, 11	27100 A FONSAGRADA
	0119-FOZ	AV. DA MARIÑA, 1	27780 FOZ
	0120-FRIOL	AV. LA CORUÑA, 1	27220 FRIOL
	0123-GUNTIN	CR. OURENSE, S/N	27211 GUNTIN
	0124-MEIRA (LUGO)	AV. LUGO, 35	27240 MEIRA
	0125-MONDOÑEDO	PZ. CONCELO, S/N	27740 MONDOÑEDO
	0126-MONFORTE-CARDENAL	CL. CARDENAL, 18	27400 MONFORTE DE LEMOS
	0132-PALAS DE REI	AV. LUGO, 10	27200 PALAS DE REI
	0136-A POBRA DE SAN XIAO	AV. BENIGNO QUIROGA, S/N	27360 A POBRA DE SAN XIAO
	0138-QUIROGA	CL. REAL, 54	27320 QUIROGA
	0139-RABADE	CL. GABRIELA NIETO CHAIN, 1	27370 RABADE
	0140-RIBADEO	CL. RODRIGUEZ MURIAS, 2	27700 RIBADEO
	0143-SARRIA	CL. MARQUESA DE CASA LOPEZ, 4	27600 SARRIA
	0148-VILALBA	CL. PRAVIA, 31	27800 VILALBA
	0150-VIVEIRO-PASTOR DÍAZ	CL. PASTOR DIAZ, 20-TR. DA MARIÑA, 17	27850 VIVEIRO
	0156-O CORGO	CR. NACIONAL VI, KM. 487,8	27163 O CORGO
5152-LUGO-PROGRESO	CL. PROGRESO, 20	27001 LUGO	

Provincia	Oficina	Dirección	Localidade
OURENSE	0405-O BARCO DE VALDEORRAS	PZ. ANDRES PRADA, 1- ESQ.DR.PEREZ LISTA	32300 O BARCO DE VALDEORRAS
	0410-XINZO DE LIMIA - AV. OURENSE	AV. ORENSE, 12	32630 XINZO DE LIMIA
	0412-BANDE	CL. POMBAL, 2	32840 BANDE
	0415-VIANA DO BOLO	CL. NICOLAS TENORIO, 30	32550 VIANA DO BOLO
	0417-ALLARIZ	CL. EMILIA PARDO BAZAN, 4	32660 ALLARIZ
	0418-AMOEIRO	CL. CAMPO DO SOUTO, 12	32170 AMOEIRO
	0424-CASTRO CALDELAS	AV. OURENSE, 20	32760 CASTRO CALDELAS
	0430-A GUDIÑA	CL. BEATO SEBASTIAN APARICIO, 82	32540 A GUDIÑA
	0445-A POBRA DE TRIVES	PZ. MAYOR, 2	32780 A POBRA DE TRIVES
	0470-A VALENZA	CR. OURENSE-CELANOVA, 100-102	32002 A VALENZA
	0473-OURENSE-RAMON CABANILLAS	CL. RAMON CABANILLAS, 2-3	32004 OURENSE
	0476-SAN CIBRAO DAS VIÑAS - POLIGONO SAN CIBRAO	PG. INDUSTRIAL SAN CIBRAO, CALLE 4	32901 SAN CIBRAO DAS VIÑAS
	5168-VERÍN	CL. LUIS ESPADA, 35-37	32600 VERIN
	5257-OURENSE-AV. DAS CALDAS	AV. DAS CALDAS, 15	32001 OURENSE
	5259-OURENSE-AV.ZAMORA	AV. ZAMORA, 106-108	32005 OURENSE
	5260-OURENSE- LA TORRE	CL. CURROS ENRIQUEZ, 1	32003 OURENSE
	5263-OURENSE-ERVEDELO, 31	CL. ERVEDELO, 31	32002 OURENSE
	5267-OURENSE-PEÑA TREVINCA	CL. PEÑA TREVINCA, 22	32005 OURENSE
	5287-O CARBALLIÑO	CL. NORTE, 1	32500 O CARBALLIÑO
	5292-CELANOVA	AV. SAN ROSENDO, 7	32800 CELANOVA
	5303-XINZO DE LIMIA - AV. MADRID	AV. MADRID, 33	32630 XINZO DE LIMIA
	5313-MACEDA	AV. AURELIANO FERREIRO, 13	32700 MACEDA
	5326-PEREIRO DE AGUIAR	PZ. LA CAPELA, S/N	32710 O PEREIRO DE AGUIAR
	5332-RIBADAVIA	CL. PROGRESO, 46	32400 RIBADAVIA
	5334-A RUA	CL. PROGRESO, 64	32350 A RUA





Provincia	Oficina	Dirección	Localidade
PONTEVEDRA	0500-PONTEVEDRA – AUGUSTO BESADA	CL. AUGUSTO GONZALEZ BESADA, 1-5	36001 PONTEVEDRA
	0507-RODEIRO	CR. LALIN-CHANTADA, 13	36530 RODEIRO
	0514-MARIN-ESTRIBELA	AV. ORENSE, 80	36910 MARIN
	0544-A BARCA	CL. A BARCA, 32	36005 SAN SALVADOR POIO
	0570-PONTEVEDRA-EDUARDO PONDAL	CL. EDUARDO PONDAL, 66	36003 PONTEVEDRA
	0576-A CAÑIZA	CL. PROGRESO, 77	36880 A CAÑIZA
	0577-SALCEDA DE CASELAS	CL. VICTORIANO PEREZ VIDAL, 1	36470 SALCEDA DE CASELAS
	1073-VILAGARCIA DE AROUSA - DR.TOURÓN	AV. DEL DOCTOR TOURON, 46	36600 VILAGARCIA DE AROUSA
	1074-VILAGARCIA DE AROUSA-AS CAROLINAS	AV. AS CAROLINAS, 32	36600 VILAGARCIA DE AROUSA
	1194-GONDOMAR	CL. ANGEL URZAIZ, 4	36380 GONDOMAR
	1219 - O PORRIÑO-B.AIRES	AV. BUENOS AIRES, 20	36400 O PORRIÑO
	5010-ALDÁN	CL. SAN CIBRAN, 15	36945 ALDAN
	5011-ARBO	CL. VAZQUEZ ESTEVEZ, 7	36430 ARBO
	5012-ARCADE	AV. XOSE SOLLA, 1	36690 ARCADE
	5015-BAIONA	CL. CARABELA LA PINTA, 10	36300 BAIONA
	5017-BUEU	CL. EDUARDO VINCENTI, 29	36930 BUEU
	5019-CALDAS DE REIS	CL. JOSE SALGADO, 2	36650 CALDAS DE REIS
	5021-CAMBADOS	AV. GALICIA, 15	36630 CAMBADOS
	5022-CANGAS	AV. EUGENIO SEQUEIROS, 13	36940 CANGAS
	5026-CERDEDO	CR. OURENSE, 41	36130 CERDEDO
	5030-CHAPELA	AV. VIGO, 222	36320 CHAPELA
	5031-A ESTRADA	CL. CALVO SOTELO, 9	36680 A ESTRADA
	5033-FORNELOS DE MONTES	PZ. LA IGLESIA, 17	36847 FORNELOS DE MONTES
	5038-A GUARDA	CL. CONCEPCION ARENAL, 44	36780 A GUARDA
	5040-VIGO-GRAN VIA, 5	AV. GRAN VIA, 5	36204 VIGO
	5041-LALÍN	CL. JOAQUIN LORIGA, 37	36500 LALIN
	5047-MOAÑA-CONCEPCIÓN ARENAL	CL. CONCEPCION ARENAL, 170	36950 MOAÑA
	5048-MONDARIZ	CL. DOMINGO BLANCO LAGE, 7	36870 MONDARIZ
	5052-NIGRAN	AV. VAL MIÑOR, 1	36350 NIGRAN
	5054-O PORRIÑO - RAMÓN GONZÁLEZ	CL. RAMON GONZALEZ, 19	36400 O PORRIÑO
	5056-PONTEAREAS-BUGALLAL	PZ. BUGALLAL, 3	36860 PONTEAREAS
	5057-PONTE CALDELAS	AV. VIGO, 4	36820 PONTE CALDELAS
	5059-REDONDELA-PZ. RIBADAVIA	PZ. RIBADAVIA, 2	36800 REDONDELA
	5061-SANXENXO	CL. IGREXIA, 2	36960 SANXENXO
	5065- VIGO-TRAVIESAS	AV. GRAN VIA, 182	36211 VIGO
	5066-TUI - CL. COMPOSTELA	CL. COMPOSTELA, 1	36700 TUI
	5067-VILAGARCIA DE AROUSA - PRAZA GALICIA	Pz. Galicia, 18	36600 VILAGARCIA DE AROUSA
	5070-VILANOVA DE AROUSA	PZ. OLMOS, 2	36620 VILANOVA DE AROUSA
	5071-VILA DE CRUCES	CL. VAZQUEZ, 12	36590 VILA DE CRUCES
	5072-SABARIS	CL. JULIAN VALVERDE, 1	36393 SABARIS
	5078-CESANTES	CL. ALTO DO TRAS, 23	36693 CESANTES
	5079-CANGAS-COIRO	AV. OURENSE, 27	36947 COIRO
	5081-VILABOIA	CL. RIOMAIOR, 3	36142 SANTA CRISTINA DE COBRES
	5092-PUXEIROS	AV. PUXEIROS, 52	36416 PUXEIROS
	5101-VILATUXE	CL. CARRETERA, 9	36519 VILATUXE
	5102-DOMAIO	CL. PALMAS, 85	36957 DOMAIO
	5106-MORAÑA	CL. RUA N. DOCE, 2	36660 SANTA LUCIA DE MORAÑA
	5112-PONTECESURES	CL. SAN LUIS, 41	36640 PONTECESURES
	5115-SALVATERRA DE MIÑO	CL. DO MIÑO, 17	36450 SALVATERRA DE MIÑO
	5118-HIO	LG. IGLESARIO, 57	36945 HIO
	5154-PONTEVEDRA-J.BAUTISTA ANDRADE	CL. J.B.ANDRADE, 50	36005 PONTEVEDRA
	5205-A RAMALLOSA	CL. MANUEL LEMOS, 1	36379 A RAMALLOSA
	5209-REDONDELA-ALAMEDA	CL. ALFONSO XII, 1	36800 REDONDELA
	5411-BARRO	CL. BALADAS, 1-SAN ANTONIÑO-PERDECANAI	36194 SANTO ANTONIÑO
	5419-COMBARRO	CL. CAMIÑO REAL, 2	36993 COMBARRO
5426-O GROVE	CL. RUA DA PRAZA, 2	36980 O GROVE	
5430-MARIN-JAIME JANER	CL. JAIME JANER, 9	36900 MARIN	
5443-SILLEDA	CL. RUA TRASDEZA, 94- ESQ.M.COLMEIRO	36540 SILLEDA	
5571 - VIGO-TEIXUGUEIRAS	CL. TEIXUGUEIRAS, 14	36212 VIGO	

